

SJIEHTADUS NUORTTA UNIVERSITIEHTA JA SÁME ALLASKÁVLÁ GASKAN AKTISASJBARGO HÁRRÁJ

1. ÁBBÁLATTJAT AKTISASJBARGO BIRRA

Nuortta universitehtta ja Sáme allaskávlá li sebrudakásadusá ma dájmedi regionála, nasjávnnálasj ja rijkajgasskasasj bargojt. Ásadusájn la sierralágásj ávdásvásstádus sáme dutkamis ja alep áhpadusás. Sjiehtadusá vuodon la Nuortta universitehtta nasjávnnálasj ávdásvásstádus alep áhpadusá ja dutkama ávdás julev ja oarjjelsámegiellan, ja Sáme allaskávlá ávdásvásstádus iemeálmukásadussan ja ásadussan manna l sierralágásj ávdásvásstádus sáme alep áhpadusá ja dutkama ávdás.

Dán sjiehtadusá baktu sihti aktisasjburgoguoyme ásadit ja vijddásappot ávdđánahttet strategijjalasj ja fágalasj aktisasjburgov sáme dutkamin ja alep áhpadusán, ja nannit aktisasjburgov sáme ásadusáj.

Vijddásabbo sihti aktisasjburgoguoyme sjiehtadus nanni guládallamav, roallatjielggidusáv ja barggojuohkemav dán guovte ásadusá gaskan. Aktisasjburggo galggá aj vájkkudit guládallamij sáme sebrudagáj, ja oahppofálaldagájt ja dutkamav ávdđánahttet mij sáme sebrudagá dárbojda vásstet.

Sjiehtadus tjanáduvvá goappátja ásadusáj stratesijjajda ja la bajep dásen, ja vuollesjiehtadusáj baktu rahpá máhttelisvuodav aktan barggat dutkam- ja áhpadusprosjevtaj. Aktisasjburggo sáme kultuvrra- ja giellaguovdátjij ævtot sierra sjiehtadusáj.

Aktisasjburgoguoyme biedji ILO-konvensjávnnáv nr 169 iemeálmugij riektáj birra ja AN iemeálmuktjielggidusáv vuodon aktisasjburggugij. Sjiehtadus viehket guojmijt várjjalit, nannit ja ávdđánahttet sámegiellajt iemeálmukgiellan AN iemeálmukgiellaj lågev jagijn 2022-2032, ja Europalásj lihto regiávnná- jali unneplågogielaj mihttomierij milta (Giellalihitto).

2. AKTISASJBARGGOSUORGE

Sjiehtadus galggá vájkkudit stajgas ja guhkes aktisasjbargo ásadibmáj ja nannit aktisasjbargov ja barggojuohkemav ásadusáj gaskan duola degu tjuovvovasj aktisasjbarggosuorgijn:

I. ALEP ÁHPADUS

Aktisasjbarggoguoyme galggi aktisasjbargo baktu gæhttjalit buorre roallatjieggidusáv ja barggojuohkemav gávnnat nuortta-, julev-, bihtám-, ubbmem- ja oarjjelsámegiela áhpadusáj gáktuj. Aktisasjbarggo galggá ásadusáj profijlav reflektierit ja galggá sáme sebrudagáj dárbojda hiebaduvvat.

Aktisasjbargguj gullu duola degu:

- áhpadusáj aktisasjbargo aktisasj profilerim goappátjij ásadusáj vuogádagáj
- vijddásap ávddánahttet ja nannit aktisasjbargov sáme áhpadiddjeáhpadusáj gáktuj
- aktidit sáme duodde- ja joarkkaoahppofálaldagájt
- ásadit, vijddásappot ávddánahttet ja nannit áhpadusfálaldagájt julev-, bihtám-, ubbmem- ja oarjjelsámegiela goappátja ásadusáj
- átsádit aktisasjbarggomáhttelisvuodajt guoskavasj fáhkasuorgijn ja áhpadusfálaldagáj
- ávddánahttet væhkkálakkoj aktisasjbarggovuogijt áhpadusán ja sensurierimin
- studænnalånudallam- ja hospitierim ásadusáj gaskan
- bajepdáse aktisasjbarggo studænnatáttjudimen sáme alep áhpadussaj

II. DUTKAM

Sjiehtadus galggá dutkamaktisasjbargguj mávtástuhttet Nuortta universitiehtha ja Sáme allaskávlá fáhkabirrasij gaskan.

Aktisasjbargguj gullu duola degu:

- dutkama aktisasjbargo aktisasj profilerim goappátjij ásadusáj vuogádagáj
- ávddánahttet sebrudakdiedalasj dutkamav Sámis/Sámen/Saemies ja Sáme/Sáme/Saemie birra
- ásadit jahkásasj rabás seminárav dutkijda gudi sáme gatjálvisáj barggi ja ávdásvásstádus ásadit málssu vuorrolakkoj
- máhttelisvuoda adnet aktisasjbarggoásadusáj girjjevuorkájt
- gæhttjalit dutkametihkalasj tjuolmaj badjel reflektierit ja vælggogisvuodajt állidit iemeálmukperspektijvan
- prosjæktadoarjja duola degu aktisasj ph.d.-prosjevtajda ja prosjæktáávddánahttemij
- aktan ásadit aktisasj kursajt ja tjåhkanimijt ph.d.-kandidáhtajda ja juollodit doarjjagav aktisasj fáhkasemináraj tjadádibmáj
- gávnadit aktisasj æjvvalimsajjida gånna máhtta ájádusájt ávdedit dutkamaktisasjbargo birra
- guossidimárniga fáhkabarggijda ja dutkijda

III. AKTISASJBARGGO SÁME ÁSADUSÁJ ja SÁME SUOHKANIJ

Sjiehtadusán la aj ulmmen nannip Nuortta universitiehtha ja Sáme allaskávlá guládallamav sáme ásadusáj, ja vájkkudit ienep aktisasjbargguy sáme giellaguovdátjij ja sáme kultuvrra- ja máhttoinstitusjávnnáj, ja aj sáme giellaháldadimsuohkanij. Dakkár aktisasjbarggo máhtta liehket studænnarekruttierimin, sámegielaj álgoáhpadusán, áhpadusfálaldagáj ja dutkama vijdedimen ja rievddadimen, valla aj institusjávnnáj ávddánahttemin.

Aktisasjbarggoguoyme vuojnni Nuortta universitiehtha ja Sáme allaskávlá - gá ienebut fármasti fárruj sáme ásadusájt ja sáme suohkanijt ietjasa bargguy - máhtti dábmarappo ja ulmmediedulattjat barggat sierralágásj áhpadusfálaldagáj ja ietjá dájmej gáktuj, ma vájkkudi váj julev-, bihtám-, ubbmem- ja oarjjelsáme giellaaddnij láchko lassán, ja várjjali ja tjalmostahtti sáme kultuvrav ja histávrváv dájnej giellaguovlojn.

3. AKTISASJBARGO ORGÁNA

Strategijjalasj aktisasjbargo bisodibmáj ja nannimij ásaduvvá jahkásasj tjáňkanibme Nuortta universitiehtha ja Sáme allaskávlá rektoráhtaj gaskan.

Dekána, ietjá njunnjutja institusjávnnáj ja ietjá fágallasj aktisasjbarggoguoyme æjvvali nav álu gá dárbbbo ja ávkken. Iesjuhtik aktisasjbarggosuorge tjuovvoluvvi konkrehta ja operatijva sjiehtadusáj guoskavasj fáhkabirrasij gaskan. Jus sihtá goalmát máhtudakbirrasa siegen barggat, dagu sáme giella- ja kultuvrraásadusáj, de aktisasjbarggoguoyme dájvváj guládalli.

Sáme allaskávlá Sáme láchkámguovdásj, mij la nasjávnnálasj ressursuovdásj sierraláhkáj áhpadusvuogádagá hárráj mánájárruha rájes gitta alep áhpadussaj, gáhtjoduvvá fárruj relevánta prosessajda, dalloj gá dav la luondulasj dahkat. Sierraláhkáj guoská dát bargguy nannitjit ja ávdedittjat njálmálasj ja tjállalasj sámegielav áhpadusán ja áhpadusvuogádagán, moattegielakvuoda ja giellaælládahttema máhttuj, ja dutkam- ja ávddánahttembargojda ma dájda fáhkasuorgijda gulluji. Aktisasjbarggoguoyme sihti viehken nannit aktisasjbargov mij la ásaduvvam gaskan Sáme allaskávlá Sáme láchkámguovdátja ja Nuortta universitiehtha Nasjávnnálasj guovdátja dájda- ja kultuvra vuoksuj áhpadussaj.

Ja de sjaddá sáme-/álgoálmukguovdásj, mav li Nuortta universitiehthan tsieggimin, ájnas doarjjan, koordináhturin ja guládallambájkken aktisasjbarggosjiehtadusá dájmej operasjonalisieridijn.

4. DIEDO SJIEHTADUSÁ JA AKTISASJ ÆJVVALIMSAJII BIRRA

Aktisasjbarggoguoyme galggi aktisasjbarggosjiehtadusá birra subtsastit ietjasa organisasjávnnájda, ja aj sjiehtadallat guládallamplánav aktisasjbargo bántusij gaskostime gáktuj. Diehtujuohkem sámegielaj galggá vuoroduvvat. Aktisasjbarggoguoyme galggi dájmalattjat sjiehtadusáv tjuovvolit ja jus la dárbbbo, rievddadit vaj aktisasjbarggo doajmmá nav buoragit gá ber máhtta. Aktisasjbarggoguoyme ájggu gæhttjalit gáhttjot ja válldet fárruj guhtik guojmmásisá guoskavasj fáhkaseminárajda, konferánsajda ja ietjá muodugasj fágallasj æjvvalimsajijda, dalloj gá le ávkken.

5. SJIEHTADUSÁ ÁJGEGÁVDDA

Dát sjiehtadus vihpa dallutjij desik guojmme gájbbet sjiehtadusáv rievddadit jali láhpedit .

6. GIELLA

Sjiehtadus la tjáleduvvam nielje giellaj: julevsámegiellaj, oarjjelsámegiellaj, nuorttasámegiellaj ja dárogiellaj.

Oassen aktisasj barggosjiehtadusá tjuovvolimes ja doarjjan AN álgoálmukgielaj lågev jagijda galggi Nuortta universitiehtta ja Sáme allaskávlå divna sáme giellavariántajt tjalmostahttet mijá dájmajn.

Bådåddjo / Bodø 20.10.2021

Hanne Solheim Hansen
rektávrrå, Nuortta universitiehtta

Laila Susanne Vars
rektávrrå, Sáme allaskávlå